



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

Synopsis Decretorum Congregationis Lauretanæ.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

1743.
ria Synopsi
Resolutioni
huiusque Co-
stitutionis.

ras, etiam ex eo, quod Venerabilis Frater modernus Episcopus, & dilectus Filius modernus Gubernator Lauretani, ac alii quicumque in præmissis quomodolibet interesse habentes, vel habere prætentendos, quibus omnibus & singulis perpetuum desuper silentium imponimus, eisdem præmissis non consenserint, aut vocati, vel auditi non fuerint, aliaque quavis de causa quantumvis juridica, & legitima, de ullo subreptionis, vel obreptionis, aut nullitatis vicio, vel intentionis Nostræ, aut alio quocumque defectu notari, impugnari, in jus, vel controversiam revocari, aut ad terminos juris reduci nullatenus unquam posse, sed semper, & perpetuo validas, firmas, & efficaces existere, & ab iis, ad quos spectat, & in futurum spectabit, firmiter, & inviolabiliter observari, eisque omnino acquiesci; Sicque, & non alias per quoscumque Iudices Ordinarios, & Delegatos, quavis auctoritate, & potestate fungentes, ac Dignitate, etiam Cardinalatus honore fulgentes, etiam Causarum Palatii Apostolici Auditores, & Sanctæ Romanæ Ecclesiæ Cardinales etiam de Latere Legatos, ac eandem Congregationem Lauretanam, sublata eis, & eorum cuilibet, quavis aliter, quam juxta, & secundum Synopsim, & Resolutiones in ea contentas prædictas, judicandi, & interpretandi facultate, & auctoritate, in controversiis jurisdictionalibus Lauretanis, in quocumque iudicio, & in quacumque instantia, ubique iudicari, & definiti debere; irritum quoque, & inane, quidquid secus super præmissis, vel eorum aliquo, aut circa ea, à quocumque, quavis auctoritate, scienter, vel ignoranter contigerit attentari.

Cum Clausula
SUBLATA,
& Decreto
imittanti.

Controversia, quæ deinceps oritur, Congr. Lauretanæ resolvenda &c. demandantur.

Ceterum, quia contingere potest, ut circa observantiam, intelligentiam, declarationem, & interpretationem prædictarum Pauli, & Innocentii Prædecessorum Constitutionum, aliqua deinceps exoritur questionis materia, vel controversia, quæ in memorata Synopsi decisa, & definita non reperitur; Nos quancumque questionem, vel controversiam huiusmodi, si quam exoriri contingat, eiusdem Congregationis Lauretanæ iudicio resolvendam, decidendam, definiendamque esse statuimus, ac eidem Congregationi plenam, & omnimodam ad id tribuimus, & concedimus facultatem; Novaque Resolutiones ab ipsa Congregatione super iis emanandas, tanquam perpetuo validas, & efficaces, ab omnibus & singulis, ad quos spectat & pertinet, aut spectare & pertinere poterit quomodolibet in futurum, quacumque appellatione, recursum, & contradictione remotis, dummodo tamen Synopsi, & Resolutionibus in ea contentis prædictis in aliquo non adversentur, omnino servandas, diligeat præcipimus, & mandamus.

Derogationes opportuna.

§. 10. Non obstantibus præmissis, ac quatenus opus sit, Nostræ, & Cancellariæ Apostolicæ regulæ, de iure quæsito non tollendo, aliisque Constitutionibus, & Ordinationibus Apostolicis, aliisque quibusvis, etiam juramento, confirmatione Apostolica, vel quavis firmitate aliâ roboratis, Statutis, & Consuetudinibus, Privilegiis quoque, Indultis, & Litteris Apostolicis in contrarium præmissorum quomodolibet concessis, confirmatis, & innovatis: Quibus omnibus, & singulis, illorum tenores pro plenè, & sufficienter expressis, ac de verbo ad verbum inferri habentes, illis alias in suo robore permanentibus, ac præmissorum effectum, hac vice dumtaxat specialiter, & expresse derogamus, ceterisque contrariis quibuscumque.

De Transumptis.

§. 11. Volumus autem, ut earundem præsentium Litterarum Transumptis, seu Exemplis, etiam impressis, manu alicujus Notarii publici subscriptis, & Sigillo Personæ in Ecclesiastica Dignitate constitutæ munitis, eadem prorsus fi-

des in iudicio, & extra illud adhibeatur, quæ haberetur ipsi presentibus, si forent exhibitæ, vel ostensa.

§. 12. Nulli ergo hominum liceat hanc paginam Nostræ Constitutionis, Decreti, Statuti, Definitionis, Declarationis, Confirmationis, Mandati, ac Voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Datum Romæ apud Sanctam Mariam Majorem, septimo Idus Januarii, Anno Incarnationis Dominicæ millesimo septingentesimo quadragésimo tertio, Pontificatus Nostri Anno III.

D. Card. Passioneus.

X. Sub-Datarius.

VISA DE CURIA.

N. Antonellus.

J. B. Eugenius.

Loco ✕ Plumbi.

Synopsis Decretorum Congregationis Lauretanæ.

Administratio Bonorum, Pecuniarum &c.

ADMINISTRATIO Bonorum, Pecuniarum, aliorumque effectuum relictorum, vel Capitulo, vel cuilibet de dicto Capitulo, vel Inservientibus Ecclesiæ, aut Altaribus, pro Cappellaniis, & Legatis Missarum, sive ad tempus, sive perpetuo, etiam de Jurepatronatus Laicorum, spectat ad ipsum Sanctuarium, & per ipsum ad Gubernatorem. *Littere a' Monsignori Vescovo, e Governatore 1. Marzo 1700, e 25. Agosto 1717.*

Administratio Sacramentorum. *Vide Baptisma, Eucharistia.*

Affictuarii. Vide Coloni exempti.

Altare Sanctissimi Sacramenti. Vide Visitatio.

Alumni Collegii Illyrici. Vide Collegium.

Armorum Custodes.

Sex Armorum Custodes, vulgò *Armaroli*, sunt subiecti Parocho Almæ Domus, a quo ipsis Sacramenta sunt administranda. *Littere a' Monsignori Vescovo, e Governatore 18. Febraro 1704.*

Avunculi verò dictorum Armorum Custodum licet cohabitent cum Nepote, non sunt subiecti dicto Parocho Almæ Domus, cum non possint dici de Familia Nepotum exempta. *ibidem.*

Artifices, & Professores.

Artifices, & Professores quicumque inservientes Almæ Domui intra annum in eorum Professionibus, non tamen continuo, sed juxta Sanctuarii necessitatem, absque constitutione annui salarii, licet Litteris patentibus Almæ Domus cum inhibitione fuerint muniti, non gaudent exemptione a jurisdictione Episcopi. *Dub. 15. ex 33. concordat. Anno 1734.*

Arx Ecclesiæ.

Arx Ecclesiæ Lauretanæ existens supra dictam Ecclesiam, ubi sunt Mansiones Clericorum Sacristiæ, & Inservientium Missarum, & Lampadariorum, non est sub Ditione Episcopi, itaut possit ab eo visitari jure ordinario quoad Clericos Sacristiæ, & dictos Inservientes; quo verò ad Lampadarios jure delegato. *Dub. 6. ex 33.*

Janua dictæ Arcis erit omnino claudenda, ne Mansiones ejusdem accommodentur, ut moris est, illis, qui confugiunt ad Ecclesiasticam Immunitatem. *Ibidem ut supra.*

Baldachinum.

Neque Episcopo, neque Gubernatori licet uti Baldachino intra limites Palatii Almæ Domus. *Resolut. 2. Decembris 1729.*

Baptisma.

1743.

Sanctio.

Dat. die 7.
Jan. 1743.

Baptisma.

Baptizare Infantes Confluentium, & eorum Cadavera tumulare, spectat ad Parochum Sanctuarii. *Lettere a Monsignori Vescovo, e Governatore 2. Decembre 1717.*

Parocho Sanctuarii aegrotanti licet sui loco deputare Sacerdotem sibi beneficium, ex approbato tamen ab Episcopo, pro administratione Sacramenti Baptifinatis. *Lettere a Monsignori Vescovo, e Governatore 24. Agosto 1705.*

Si contingat, Cappellano Almae Domus cum Nepote convivente, Filiam ex ipso Nepote nasci, baptizanda erit a Parocho dictae Almae Domus, licet Pater, & respective Nepos litteras patentes Episcopi haberet. Litterae enim patentes Episcopi non possunt aequivalere Litteris patentalibus dictae Almae Domus. *Lettera a Monsignori Vescovo 20. Gennaio 1740.*

Bona. Vide Administratio Bonorum.
Breve pro aperienda Capsula Eleemosynae. Vide Eleemosyna.

Campanarius, seu Pulsator Nolarum.

Ad Episcopum, uti Delegatum, spectat private ordinatio pulsandi Campanas pro signo canendi Litanias in quocumque Sabatho de sero, & in quacumque Festivitate Beatae Mariae Virginis, & earum Vigiliis. *Lettere a Monsignori Vescovo, e Governatore 6. Settembre 1698. Resolut. ad Dub. 5. 17. Aprilis 1708.*

Licet autem Episcopo in parte Palatii, ubi residet apud Lauretum, uti Campanula ad usum proprium tantum. *Resolut. 2. Augusti 1729.*

Qui habent Officia Almae Domus, sed ea exercent per interpositas Personas, veluti Pulsator Nolarum, Cantinerius, & similes, frui debent exemptione tam ipsi, ut Officiales, quam eorum Substituti, dummodo facultas exercendi per substitutum fuerit a Sacra Congregatione approbata. *Dub. 17. ex 33.*

Cancellaria, Cancellarius.

Episcopus procedens jure delegato, debet uti Cancellario Sanctuarii, nec sufficit, si emolumenta omnia, quae alias ad ipsum spectarent, ipsi relinquat. *Lettera a Monsignori Governatore li 16. Maggio 1701. & Dub. 7. ex 33.*

Episcopus aliquando, & attentam aliquam suspicionem, poterit, praevia licentia Sacrae Congregationis Lauretanae, in causis contra Privilegiatos Almae Domus uti suo Cancellario in examinandis Testibus pro sumendis, & captivandis indicibus, dummodo tamen dicta examina Testium reproducantur per acta Cancellariae Almae Domus, antequam Reus constituatur, & Processus per eadem Acta Cancellariae Almae Domus proseguatur. *Lettere a Monsignori Vescovo, e Governatore 28. Febraio 1701. Dub. 8. ex 33.*

Item poterit Cancellarius Almae Domus compelli ab Episcopo ad conficiendum Inventarium omnium Processuum, Beneficialium, Matrimonialium, Civilium, & Criminalium, Actorum, & aliarum Scripturarum factarum, & respective exhibitarum in dicta Cancellaria coram Episcopo tanquam Delegato Apostolico, vel ejus Vicario, ad effectum aservandi dictum Inventarium in Archivo Episcopali ad formam novissimi Concilii Romani, & Constitutionis Benedicti XIII., & in casu renitentiae, compellendus erit a Sacra Congregatione. *Dub. 10. ex 33.*

Episcopus vero tenetur registrare in Cancellaria Almae Domus tam Ordinationes Exemptorum, quam eorum Litteras testimoniales. *Lettere a Monsignori Vescovo, e Governatore 11. Marzo 1704.*

Candela, Cera.

Benedictio Candelarum in Solemnitate Purificationis est facienda, juxta solitum, in Ecclesia Lauretana, non autem in Sancta Cappella. *Lettere a Monsignori Vescovo, e Governatore, 28. Gennaio 1720.*

Quando in Ecclesia Lauretana de ordine Episcopi sit Communio Generalis, vel sit aliqua Processio, aut Expositio Sanctissimi Sacramenti ad implorandum Divinum Auxilium pro necessitatibus Populi, vel Ecclesiae Catholicae, debent a Ministris Almae Domus subministrari Cerae, & alia necessaria pro supradictis Functionibus explendis. *Dub. 2. ex 33.*

Cantores, Musici, Magister Cappellae, Organista, Musici, & Cantoribus se absentare petentibus a servitio Ecclesiae ad breve tempus, ob aliquod eorum negotium, concedenda est licentia ab Episcopo, aut ejus Vicario Generali, jure delegato, non autem a Governatore. Lettere a Monsignori Vescovo, e Governatore 1. Settembre 1698., e 28. Giugno 1700. Dub. 4. ex 33.

Ad Episcopum pariter, private quoad Governatorem, spectat praescribere Ordines Magistro Cappellae, Cantoribus, & Organistae, circa servitium Chori, & Functionum Ecclesiasticarum. *Dub. 5. ex 33.*

A Governatore vero danda est possessio Magistro Cappellae, & Organistae, post eorum destinationem, in sequelam Litterarum patentalium, quas ipse de mandato Sacrae Congregationis expedire solet. *Lettere a Monsignori Vescovo, e Governatore 28. Febraio 1701. Vide Punctatura.*

Cappellanus, Cappella, Cappellania.

Cappellanus Vivaldus est subiectus, una cum Fratre, & tota Familia secum vivente, Parocho Almae Domus. *Resol. 19. Septembris 1710.*

Institutio Praefati ad Cappellaniam Domus Farsettae, reservata tempore foundationis Cardinali Protectori, spectat ad Sacram Congregationem. *Lettera a Monsignori Vescovo 19. Decembre 1710.*

Episcopo competit facultas ingrediendi in Sacram Cappellam cum Mozzetta, & Rocchetto detecto, nec non benedicendi Populo jure delegato. *Resol. 10. Julii 1731.*

Non licet autem ipsi Episcopo die Praesentationis Beatae Mariae Virginis, & aliis diebus, quibus Missa cantari solet in Sacra Cappella, illam canere in Ecclesia. *Lettera a Monsignori Vescovo 28. Novembre 1701. 10. Gennaio 1702.*

Cappellanus possessor Cappellaniae Micucci, cujus nominatio spectat ad Venerabilem Societatem Sanctissimi Rosarii Laureti, Episcopo subiectam, gaudet exemptione, ex quo destinatos proventus praedictae Cappellaniae recipit ab Alma Domo uti haerede sapradicti Micucci. *Dub. 21. ex 33.*

Carceres.

Personae, quae carcerantur de mandato Episcopi, vel ejus Vicarii procedentis jure delegato; detineri debent in Carceribus Almae Domus, ad exclusionem illarum ipsius Curiae Episcopalis. *Dub. 9. ex 33.*

Causa.

Non potest Governator, attento privilegio Sanctuarii, trahendi ad suum Tribunal omnes causas tam activas, quam passivas ejusdem Almae Domus, procedere in Causis activis motis a Ministris, & Exemptis Almae Domus contra Ecclesiasticos non privilegiatos; id autem spectat ad Episcopum jure ordinario. *Lettere a Monsignori Vescovo, e Governatore 1. Marzo 1700. Resol. 10. Luglio 1731. Dub. 25. ex 33.*

Quo vero ad Causas tam activas, quam passivas, in quibus agitur de interesse Almae Domus, spectare debent private ad Governatorem. *dict. Dub. 25. & 33.*

Spectat autem ad Episcopum, jure tamen delegato, cognoscere Causas activas motas a Ministris, & exemptis Almae Domus contra Ecclesiasticos privilegiatos, nisi agatur de iis, quae respiciunt eorum Ministerium, in quibus subesse debent

Gubernatori. *Lettere a Monsignori Vescovo, e Governatore 1. Marzo, e 26. Aprile 1700.*

Instantia Cherubinatorum, & Fratrum Alexandrinorum petentium, eorum Causam contra Sanctuarium coram Episcopo agitam, & a Governatore reassumptam, iterum committi Episcopo, aut pro ea deputari Judicem in Curia Romana, rejecta fuit, ne inferretur prejudicium privilegiis ejusdem Sanctuarii. *Lettere a Monsignor Governatore 11. Maggio 1699.*

Coadjutores.

Coadjutores Officialium Almae Domus gaudent & ipsi exemptione, dummodo Coadjutoria fuerit a Sacra Congregatione approbata. *Dub. 18. ex 33.*

Collegium Illyricorum.

Concesso Dimissorialium Alumnis Collegii Illyrici, & reliqua omnia concernentia eorum ordinationem, spectat privatim ad Episcopum. *Lettere a Monsignori Vescovo, e Governatore 9. Febraro 1699.*

Quoad Convictores vero ejusdem Collegii, Episcopus procedit jure ordinario. *Lettera a Monsignor Governatore 30. Agosto 1700.*

Ordinatio Alumni dicti Collegii est etiam licita, non obentis Litteris Dimissorialibus Episcopi Lauretani. *Lettera a Monsignori Vescovo 4. Aprile 1709.*

Concursus.

Concursus pro Cura Almae Domus committitur per Sacram Congregationem Episcopo, & firmatur, Curatum esse perpetuum, & non ad nutum amovibilem. *Lettere a Monsignori Vescovo, e Governatori 28. Giugno 1700.*

Intimatio Concursus pro Ecclesia Parochiali Almae Domus facienda est ab Episcopo jure delegato, & Acta Concursus transmittenda ad Sacram Congregationem. *Lettera a Monsignori Vescovo 29. Ottobre 1729.*

Concursui tamen non est necesse, quod Delegatio & inferatur, & indicetur peculiariter, cum habeatur vigore Bullae. *Resol. 20. Decembris 1729.*

Acta Concursus Parochialis referuntur in Sacra Congregatione, & per Vota fit electio. *ibidem.*

Confirmatio.

Episcopus qui Sacramentum Confirmationis conferre potest subditis ordinario jure, exemptis vero delegato, ad hoc ut dicti ordinarii, & delegati juris differentia elucescat, declarare debet in actu Collationis per Acta Cancellariae Gubernii, quoad Exemptos se procedere jure delegato: non tenetur tamen Exemptorum Nomina describere in dicta Cancellaria. *Lettere a Monsignori Vescovo, e Governatore 24. Agosto 1705.*

Confluentes.

Expressione Confluentium a qualibet Mundi parte devotionis gratia ad Almam Domum, qui juxta litteram Constitutionis Innocentianae §. *Ac primo quidem*, a jurisdictione Episcopi eximuntur, non comprehenduntur illi, qui petunt Lauretum propter eorum temporalia negotia, vel in dicta Civitate remanent ultra decem dies. *Lettera a Monsignori Governatore 8. Gennaio 1738. Dub. 13. ex 33.*

Hinc Confluentes illi, qui a Birruariis Episcopalibus apprehenduntur cum Mulieribus suspectis, Fures, alique quomodolibet, gaudent privilegio confluentiae, dummodo captura sequatur intra decem dies ab illorum adventu. *Lettera a Monsignori Vescovo 8. Ottobre 1713. Dub. 14. ex 33.*

Quoad dictos tamen Delinquentes, Conscientia Gubernatoris oneratur eos puniendi prout de jure; additis penis arbitrio Sacrae Congregationis, & Summi Pontificis, in casu omissionis, d. *Dub. 14. ex 33. Cetera Vide Licentia.*

Constitutio.

Constitutio San. mem. Innocentii XII. nihil innovat quoad jurisdictionem privatam in Constitutione Sa. me. Pauli V. concessam Gubernatoribus in Causis activis, & passivis Sanctuarii, contra Debitores, & Possessores bonorum ipsius Sanctuarii. *Lettera a Monsignori Governatore 7. Agosto 1699.*

Minores Conventuales.

Quatuor ex Patribus Minoribus Conventualibus, qui sunt Cappellani addicti servitio Sanctuarii, ex gratia ipsis concessa a clar. mem. Cardinali Alterio Protectore, juxta Constitutionem San. mem. Pauli V., subint sunt solum delegatae Jurisdictioni Episcopi. *Lettere a Monsignori Vescovo, e Governatore 3. Ottobre 1702.*

Nomina tamen dictorum quatuor Patrum, & aliorum Regularium similibus Cappellaniis fruendum, scribenda sunt in Rollo, & in Tabella, sicuti Nomina ceterorum Cappellanorum, & hoc ita, ut uno ex ipsis quomodolibet deficiente, Nomen alterius in ipsis locum subrogati, describatur. *ibidem ut supra.*

Sanctae Crucis Lignum.

Lignum Sanctae Crucis, quod servatur in Cappella, occasione alicujus particularis Processionis ab Episcopo indictae, subministrari debet, ad effectum illud exponendi in Altari Sanctissimae Annunciationis, illudque processionaliter deferendi per Civitatem, & cum illo Populum benedicendi. *Dub. 2. ex 33.*

Custodes.

Custodes omnino obedire tenentur sine ulla exceptione licentiis ab Episcopo concessis Confluentibus, & Dioecesanis se muniendi Eucharistia in Sacra Cappella, & Episcopo conceditur facultas procedendi contra ipsos inobedientes, & crescente contumacia, ab officio removendi; hac tamen adjecta lege, quod ante remotionem, de voluntate Episcopi super hoc certior reddenda sit Sacra Congregatio. *Lettere a Monsignori Vescovo, e Governatore 19. Novembre 1699., e 28. Giugno 1700.*

Cavemonia. Vide Missa.

Cantinerius. Vide Campanarius.

Concursus. Vide Edicta.

Sacra Congregatio. Vide Jurisdictio, Solitum, Sede vacante.

Curatus. Vide Parochus, Concursus, Edicta.

Custodes. Vide Licentia.

Deputatio.

Deputatio trium Custodum Sacrae Cappellae, duorum Sacerdotum Lampadariorum, duorum Ministrorum Cappellae Sanctissimi Sacramenti, Ministrorum Sacristiae, ubi subministratur Vinum, & Cera pro celebratione Missarum in Ecclesia Cathedrali, Campanarii, & Servientis pro pulsatione Campanarum, tam pro Sacra Cappella, quam pro Ecclesia Cathedrali, spectat privatim ad Sacram Congregationem. *Lettere a Monsignori Vescovo, e Governatore 1. Settembre 1698.*

Dimissoriales.

Litterae Dimissoriales Cappellanis, & Ministris Sanctuarii concedenda sunt ab Episcopo, jure delegato. *Lettere a Monsignori Vescovo, e Governatore 1. Marzo 1700.*

Gubernator vero debet in dictum finem exhibere Cancellariae Episcopali notulam Cappellanorum, & Privilegiatorum. *Ibidem ut supra.*

Debitores Sanctuarii. Vide Constitutio, Dimissoriales. Vide Collegium Illyricorum, Licentia.

Edicta.

Edicta super observatione Festorum sunt ex jure Episcopi ordinariis quoad Subditos, quoad

Exemptos verò sunt juris delegati. *Lettera a Monsignor Governatore 2. Ottobre 1703.*

Si in Edictis non exprimat auctoritas delegata, non obligant Curatum Almae Domus. *Lettera a Monsignor Vescovo 1. Decembre 1704.*

Edictum pro convocazione Concursus Ecclesiae curatae Almae Domus faciendum est ab Episcopo jure delegato, & per acta Cancellarii Almae Domus. *Lettera a Monsignor Vescovo 28. Februario 1701.*

Episcopus, neque uti Delegatus, valet, inconsultâ Sacra Congregatione, Edicta affigere in Sacratio Sacrae Cappellae, nuncupato *La Sagrestia del Tesoro*, circa concernentia decentiam Sacrificii, tempus celebrandi, & similia. *Resol. ad Dub. 4. 17. Aprilis 1708.*

Elemosyna.

Ad formam Bullae Innocentianae, spectat ad Gubernatorem aperire Capsulas Elemosynarum, & ad ipsum dirigendum est Breve pro facultate ipsas aperiendi. *Lettere a Monsignor Vescovo, e Governatore 20. Decembre 1700.*

SS. Eucharistia.

Ad formam Bullae Pauli V., competit Episcopo facultas administrandi Populo, quotiescumque voluerit, Sanctissimam Eucharistiam ab Altari Sanctissimi Sacramenti. *Resol. ad Dub. 2. 18. Agosto 1727.*

Debet tamen idem Episcopus, ad evitandas confusiones, super hoc verbum facere cum Gubernatore. *Resol. 14. Luglio 1711.*

Ecclesiastici. Vide Causa.

Exempti, Exemptio. Vide Cappellanus, Causa, Ordines, Status liber.

Extractio a Loco immuni. Vide Immunitas. Familia. Vide Exemptio.

Exemptio.

Ministri, & gaudentes Litteris patentibus Sanctuarii, uni tantum Famulo exemptionem participare valent. *Lettera a Monsignor Governatore 14. Luglio 1705. & Dub. 11. ex 33.*

Pistores conficientes Panem in Civitate Laureti pro Inservientibus Almae Domui, hoc est, qui panem conficiunt, quem Alma Domus Inservientibus facit distribuere, gaudent exemptione; Non gaudent verò, qui conficiunt Panem venalem ad usum publicum, & propriam utilitatem. *Dub. 24. ex 33.*

Familiae Servitorum, & Famulorum, qui inserviunt Ministris, Officialibus, aliisque Privilegiatis, non gaudent dictâ exemptione. *Dub. 11. ex 33.*

Neque Famuli, aliique Inservientes Patentis Sanctuarii, in Cauponis, & Apothecis. *Dub. 19. ex 33.*

Neque commorantes continuo in Civitate Lauretana, & habentes Litteras parentales Quatuordecim, Denunciatorum Legatorum priorum Sanctuarii, & similibus, in eorum Patriis ab eadem Civitate distantibus. *Dub. 20. ex 33.*

Neque Coloni, & Affictuarii pro tempore existentes in praedio sito in Territorio Lauretano, spectante ad Venerabilem Societatem Sanctae Annae Recineti, tanquam Emphyteuta Almae Domus. *Dub. 22. ex 33.*

Neque Coloni, & Affictuarii Venerabilis Societatis Laureti, existentes in Praedio, quod ipsa Societas possidet uti Emphyteuta Almae Domus. *Ibidem.*

Exercitia Spiritualia.

Occasione Exercitiorum Spiritualium, concessa fuit Episcopo a Sacra Congregatione facultas exponendi Sanctissimum Sacramentum primâ, & secundâ Dominica Quadragesimae in Altari Sanctissimae Annunciationis, & cum eodem benedicendi Populum. *Lettera a Monsignor Vescovo 7. Februario 1728.*

Gabella.

Clerico Petro Philippo Riccardi convento a Gabellario Laureti pro Gabella Vini, decretum fuit, Causam spectare ad Episcopum, ipsique Episcopo injunctum, ut Sacram Congregationem super hoc instructam redderet. *Lettera a Monsignor Vescovo, e Governatore 10. Luglio 1699.*

Hospitalarii.

Hospitalarii Hospitalis directi a Confratribus Sanctissimi Sacramenti, non spectantis ad Sanctuarium, sub sunt ordinariae Jurisdictionis Episcopi. *Lettera a Monsignor Governatore 18. Februario 1704.*

Immunitas, seu Loco immunia.

Si contingat, Furtum committi in Sacra Cappella, & Furem confugere ad Loco immunia, extractio dicti Furis a dictis Locis immunitibus spectat ad Episcopum, in reliquis procedit Gubernator. *Lettere a Monsignor Vescovo, e Governatore 1. Settembre 1698., e 23. Februario 1732.*

Jurisdictionis.

Episcopus, vigore Bullae Innocentianae, est Delegatus perpetuus, nec est adstrictus pro exercitio Jurisdictionis delegatae recurrere ad Sacram Congregationem, salvâ tamen Superioritate ipsius Congregationis, & salvâ obedientiâ ab Episcopo eidem debitâ ad tramites ejusdem Bullae. *Dub. 32. ex 33.*

Jurisdictionis in Causis Civilibus Militum subjectorum in Civilibus, & Criminalibus Gubernatori, competit Episcopo cumulative cum Gubernatore. *Lettera a Monsignor Governatore 8. Genaro 1738.*

Jurisdictionis Cappellae Sanctissimi Sacramenti destinatae ad solam Sanctissimae Eucharistiae administrationem, non spectat privative ad Episcopum. *Dub. 3. 17. Aprilis 1708.*

Inventarium. Vide Cancellaria.

Libri.

Episcopo competit facultas visitandi libros Baptizatorum, Desponsatorum, & Defunctorum Parochi Almae Domus ad formam Bullae. *Resol. ad Dub. 4. 18. Augusti 1727.*

Non potest tamen idem Episcopus inspicere libros, & inquirere circa adimplementum onerum Missarum, aliarumque Functionum Piarum. *Resol. ad Dub. 12. 17. Aprilis 1708.*

Licentia.

Episcopo, uti Delegato, privative competit licentias concedere Confluentibus, & Dioecesanis, sese muniendi Eucharistiâ in Sacra Cappella. *Dub. 12. ex 33.*

Et hoc etiam post discessum trium Custodum discedentium ab Ecclesia post absolutum officium, id petentibus Confluentibus nobilioris conditionis. *Resol. ad Dub. 8. 17. Aprilis 1708.*

Excepto tamen Gubernatore, ejusque Familia. *Lettere a Monsignor Vescovo, e Governatore 1. Settembre 1698.*

Competit etiam Episcopo, eodem jure delegato, approbare Dimissorias petentium licentiam celebrandi in dicta Cappella. *Resol. 13. Februarii 1731.*

Licetque ulterius recognoscere, an a Clericis, qui praesunt Sacristia dictae Cappellae, paritum sit licentia a se impertita. *Lettere a Monsignor Vescovo, e Governatore 1. Settembre 1698.*

Horam verò, & tempus assignare competit Ministris Sanctuarii. *Resol. 13. Februarii 1731.*

Ad Gubernatorem privative spectat impertiri licentiam tam Confluentibus, quam Dioecesanis, ingrediendi in parva Sacra Cappella, seu Cammino: *Lettere a Monsignor Vescovo, e Governatore 1. Settembre 1698.*

Pro cantandis Missis extraordinariis in Sacra Cappella cum invitatione Capituli, & Cleri, non

debet

debet præcedere licentia, vel assensus Episcopi, antequam invitetur Capitulum; non potest tamen id peragi, nullâ requiritâ dicti Episcopi licentiâ. *Resolut. ad Dub. 11. 17. Aprilis 1708.* Cætera *Vide Cantores, & Custodes.*

Missæ.

Episcopo auscultanti Sacrum in Altari Sanctissimæ Annunciationis, vel in eo Sanctissimi Sacramenti, uti Delegato Apostolico, servari debent à Cappellanis Almæ Domus cæremonia servari solita in Missis, quæ celebrantur coram Episcopo in sua Diœcesi: eadem pariter servari debent ab Inservientibus, & signanter circa Evangelium porrigendum Episcopo ad osculandum. *Dub. 1. ex 33. Vide Cappella.*

Ministri. Vide Causa, Deputatio, Exemptio, Synodus.

Mons Pictaris. Vide Visitatio.

Magister Cappella, Musici. Vide Cantores.

Officiales.

Episcopus, sive ejus Vicarius Generalis, procedens jure delegato tam in Causis Civilibus, quàm in Criminalibus contra Privilegiatos Almæ Domus, tenetur uti Officialibus ipsius Almæ Domus, ad exclusionem illorum suæ Curia Episcopalis. *Lettere à Monsignor Vescovo, e Governatore 1. Settembre 1698. Dub. 7. ex 33.*

Ordines.

Episcopo non licet ordinare auctoritate delegatâ Exemptos Almæ Domus extra Ecclesiam Lauretanam. *Lettera à Monsignor Vescovo 11. Marzo 1704. Dub. 10. ex 33.*

Et servanda sunt ab ipso omnia, ex quibus dignosci possit, in Ordinatione processisse jure delegato. *Lettera à Monsignor Vescovo 9. Settembre 1719.*

Ordinationes. Vide Cancellaria, Collegium Illyricorum.

Paramenta.

Episcopo, juxta Constitutionem San. mem. Pauli V., debetur usus Paramentorum Ecclesiasticorum, in suo Sacratio separato assignandorum. *Dub. 31. ex 33.*

Non valet tamen ipsis Paramentis uti etiam in Functionibus explendis in Diœcesi Lauretana. *Ibidem.*

Neque licet Episcopo uti Sacris Suppellectilibus Almæ Domus, tempore Visitationis; & ad mentem: Mens autem fuit, quod scriberetur Governatori, ut ratione urbanitatis ipsas suppellectiles tribueret dicto tempore. *Resolut. 13. Februarii 1731.*

Episcopo pro devotione sua celebrare volenti privatè in Sacra Cappella, aut solemniter in Ecclesia cum Paramentis ab R. P. D. de Carolis donatis, & a Summo Pontifice benedictis; dicta Paramenta à Governatore subministranda sunt. *Lettera à Monsignor Governatore 28. Gennaio 1720.*

Parochus.

Functiones Parochiales in matrimonio contracto inter privignam Substituti Montis Almæ Domus, & Famulum Hospitalis Sanctuarii, spectant ad Parochum ejusdem Sanctuarii. *Resolut. 14. Septembris 1722.*

Administratio Sacramentorum, & tumultatio Cadaverum Sororis Aromatarii, Matris Musici, & Matris Curati Sacra Cappellæ, convivium in eadem Domo cum iisdem respectivè Officialibus, præviâ revocatione contrariarum resolutionum, firmatum fuit, spectare ad Parochum ejusdem Sanctuarii. *Lettera à Monsignor Vescovo 10. Gennaio 1702.*

Proclamationes Matrimonii Filia Promontifæ Sanctuarii, resolutum fuit, faciendas esse à Parochio ipsiusmet Sanctuarii; probationem verò Status liberi Contrahentium, per Acta Cancel-

lariæ Almæ Domus; attento quod Promontifia est Minister dictæ Almæ Domus, ideoque Filia est de Familia exempta, juxta Constitutionem San. mem. Pauli V. *Lettere à Monsignor Vescovo, e Governatore 16. Gennaio 1703.*

Proclamationes, & exhibitio Fidei Status liberi Mulieris conviventis cum Fratre, qui non est Operarius stabilis, sed in dies conductus a Fabro lignario Almæ Domus, spectant ad Parochum Episcopalem: Marefchalli verò dictæ Almæ Domus, spectant ad Parochum Sanctuarii. *Lettere à Monsignor Vescovo, ed al Paroco della Santa Casa 1. Febrero 1721.*

Declarata fuit nulla, & attentatâ tumultatio Cadaveris Filii Pistoris habentis Litteras patentes Almæ Domus, facta per Parochos Episcopales de licentia Vicarii itidem Episcopalis, pendente inhibitione quoad hoc de nihil innovando, & demandata fuit restitutio emolumentorum Parochi Almæ Domus. *Lettera à Monsignor Vescovo 3. Luglio 1737.*

Confluentibus Peregrinis, & Forensibus, intra decem dies eorum adventus ad Almam Domum, administranda sunt Sacramenta per Parochum Almæ Domus, & funera peragenda. *Lettera à Monsignor Vescovo 29. Maggio 1737.* Cætera *Vide Baptisma, Armorum Custodes.*

Pontificalia.

Episcopo Bulli concessa fuit ex gratia à Sacra Congregatione, die solemnis sui ingressus, facultas exercendi Pontificalia ad Altare Sanctissimæ Annunciationis. *Resol. ad Dub. F. 18. Augusti 1727.* Cætera *Vide Solitum.*

Pradella.

Nihil est innovandum quoad Pradellam, qua utitur Governator dum assistit Sacris Functionibus prope Altare Sanctissimæ Annunciationis. *Lettera à Monsignor Vescovo 11. Febrero 1711. Dub. 27. ex 33.*

Preventio.

In captura Philippi Angeli Palmerii, resolutum fuit, Governatorem fuisse ab Episcopo præventum, & ideo consecutionem Processus ad eundem Episcopum spectare, & Reum ipsius Curia Episcopalis Carceribus esse tradendum. *Lettera à Monsignor Vescovo 10. Luglio 1699.*

Punctatura.

Episcopus jure delegato tantum potest cogere Cantores ad retinendum Librum Punctaturarum, illasque solvendum in casu deficientiæ, ut practicatur in Patriarchalibus Urbis. *Dub. 16. 17. Aprilis 1608.*

Pecunie. Vide Administratio Bonorum.

Peregrini. Vide Confluentes.

Pistores Panis. Vide Exempti.

Possessores Bonorum Sanctuarii. Vide Constitutio.

Processio. Vide Candela, Lignum S. Crucis, Vicarii.

Proclamationes. Vide Parochus.

Sede Vacante.

Vacante Sede Lauretana, Sacra Congregatio subdelegat Vicarium Capitularem in concernentibus gubernium Spirituale Almæ Domus, secluso Governatore. *Lettera à Monsignor Governatore 19. April. 1727.*

Semestre feutorum viginti, quod Sanctuarium perfolvit Episcopo partim pro stabulo, partim pro Coquina, decursum Sede Episcopali vacante, non debetur novo Episcopo. *Resol. 2. Augusti 1729.*

Solitum.

Solitum semper servandum est, & si aliqua præsentio insurgat, antequam quidquam innovetur, exhibenda est Sacra Congregationi, & ejus resolutio expectanda. *Lettera à Monsignor Vescovo 28. Novembr. 1701.*

Solitum item servandum est quoad celebrationem Missarum in Pontificalibus ab Episcopo apud Altare Sanctissimæ Annunciationis.

Episcopo non licet, postquam Pontificaliter celebravit primas Vesperas Sanctissimæ Circumcisionis Domini, incidere cum Vestibus Pontificalibus, Pastoralis, & Mitra, contra solitum, ad incensandum Altare Sanctissimæ Annunciationis, & Imaginem Beatissimæ Virginis in Sacra Cappella. *Lettera a Monsignor Governatore 10. Gennaio 1733.*

Status Liberi Fides.

Probatio Status liberi unius Fratris, qui aliunde habet unde vivat, licet sit Socius Mensæ duorum aliorum Fratrum exemptorum, facienda est coram Episcopo jure ordinario. *Lettera a Monsignor Vescovo 1. Marzo 1700.*

Synodus.

Licet Episcopo, occasione convocationis Synodi, vocare ad se Ecclesiasticos privilegiatos Almæ Domus, tam ad Concilium, quam ad reliquos actus necessarios pro explenda dicta Synodo, eodem modo, quo se gerit respectu suorum subditorum. *Dub. 28. ex 33.*

Licet etiam, facultate delegata, renuentes debitæ pœnis compellere. *ibid.*

Econtra verò occasione Synodi promulgandæ in Ecclesia Lauretana, non tenentur Almæ Domus Ministri subministrare ea omnia, quæ necessaria sunt pro promulgatione. *Dub. 29. ex 33. Sacramenta. Vide Parochus.*

Sacramentum. Vide Edicta.

Supelleciles Sacræ. Vide Paramenta.

Tumulatio Cadaverum. Vide Parochus.

Vicarius Generalis.

Vicarius Episcopi, in his, qui respiciunt exercitium Jurisdictionis delegatæ, non debet procedere uti Subdelegatus Apostolicus, sed uti Subdelegatus Episcopi. *Dub. ultimo ex 33.*

Licet Vicariis Generalibus Laureti, & Recineti, processionaliter cum Capitulis ambarum Civitatum, ad Almam Domum, in Festivitate Sanctissimæ Annunciationis, vel alia die non impedita, ingredi in Sacram Cappellam indutis Mantelletâ supra Rocchetum, dummodò habeant privilegium utendi dictis Mantelletâ, & Rocchetto. *Dub. 3. ex 33.*

Visitatio.

Episcopo competit facultas visitandi Sanctissimum Sacramentum in ejus Altari, ad effectum recognoscendi, an asservetur debitâ decentiâ, ac veneratione. *Dub. 3. 18. Augusti 1727.*

Item visitandi Sanctissimum Sacramentum, quod asservatur in Hospitali ejusdem Almæ Domus, ac recognoscendi libros, in quibus notantur Infirmi, & Defuncti ejusdem Hospitalis, ibique facere absolutionem Defunctorum occasione suæ Visitationis. *Dub. 5. ut supra.*

Non potest autem jure delegato Episcopus visitare Montem Pietatis, ad solum effectum inquirendi, & recognoscendi, an adimpleantur Legata, & alia opera pia cum onere a Particularibus relicta. *Dub. 7. 17. Aprilis 1708. Cætera Vide Arx Ecclesiæ.*

Vicarius Capitularis. Vide Sede Vacante.

Dubia à BENEDICTO XIV. summo Pontifice decisa, & resoluta.

Primum Dubium.

AN Episcopo auscultanti Sacrum in Altare Sanctissimæ Annunciationis, vel in eo Sanctissimi Sacramenti, uti Delegato Apostolico, servari debeant a Cappellanis Almæ Domus Cæremoniæ servari solite in Missis, quæ celebrantur coram Episcopo in sua Diocesi; Et an ab Interventibus eadem debeant servari, & signan-

ter circa Evangelium porrigendum Episcopo ad osculandum?

Resolutio. Affirmativè quoad utramque partem.

II. Dubium.

An quando in Ecclesia Lauretana de ordine Episcopi fit Communio generalis, vel fit aliqua Processio, aut Expositio Sanctissimi Sacramenti, ad implorandum Divinum Auxilium pro necessitatibus Populi, vel Ecclesiæ Catholicæ, debeant a Ministris Almæ Domus subministrari Cera, & alia necessaria pro supradictis Functionibus explendis, & præcipuè Lignum Sanctissimæ Crucis, quod servatur in Sacra Cappella, occasione alicujus particularis Processionis, ad effectum illud exponendi in Altare Sanctissimæ Annunciationis, illudque processionaliter deferendi per Civitatem; & an liceat in hujusmodi Casibus Episcopo, uti Delegato, cum Sanctissimo Sacramento, vel Ligao Sanctissimæ Crucis, solemniter Populo benedicere in eodem Altare Sanctissimæ Annunciationis, vel in eo Augustissimi Sacramenti?

Resolutio. Affirmativè in omnibus.

III. Dubium.

An liceat Vicariis Generalibus Laureti, & Recineti processionaliter cum Capitulis dictarum ambarum Civitatum, ad Almam Domum, in Festivitate Sanctissimæ Annunciationis, vel alia die non impedita, ingredi processionaliter, ut supra, in Sanctam Cappellam, indutis Mantelletâ supra Rocchetum?

Resolutio. Affirmativè, dummodò habeant.

IV. Dubium.

An Musicis, & Cantoribus se absentare peccentibus a servitio Ecclesiæ ad breve tempus ob aliquod eorum negotium, sit concedenda licentia a Gubernatore, vel potius ab Episcopo, aut ejus Vicario Generali, jure delegato?

Resolutio. Negative quoad primam partem, & affirmative quoad secundam.

V. Dubium.

An ad Episcopum, privative quoad Gubernatorem, spectet præscribere Ordines Magistro Cappellæ, Cantoribus, & Organistæ, circa servitium Chori, & Functionum Ecclesiasticarum?

Resolutio. Affirmativè.

VI. Dubium.

An Arx Ecclesiæ Lauretana existens supra dictam Ecclesiam, ubi sunt Mansiones Clericorum Sacristiæ, & Interventium Missarum, & Lampadariorum, sit sub Ditione Episcopi, itaut possit ab eo visitari jure ordinario, quoad Clericos Sacristiæ, & supradictos Interventus; quovè ad Lampadarios jure delegato?

Resolutio. Negative: Sed cum Personæ in Dubio descriptæ non habitent in Arce, sed Mansiones Arcis accomodentur illis, qui confugiunt ad Ecclesiasticam Immunitatem, Januam Arcis esse omnino claudendam.

VII. Dubium.

An Episcopus, sive ejus Vicarius Generalis Laureti, procedens jure delegato tam in Causis Civilibus, quam in Criminalibus contra Privilegiatos Almæ Domus, teneatur uti Officialibus Tribunalis Almæ Domus, seu potius uti valeat illis suæ Curie Episcopalis: Et quatenus affirmative quoad primam partem?

Resolutio. Affirmative quoad primam partem, & negative quoad secundam.

VIII. Dubium.

An possit aliquando, & attentâ aliquâ suspicionem, uti suo Cancellario Episcopali in examinandis Testibus, pro sumendis, & captivandis indicis, dummodo tamen dicta Examina Testium reproducantur per acta Cancellariæ Almæ Domus, antequam Reus constituatur, & Processus per eadem acta Cancellariæ Almæ Domus prosequatur?

Reso-

Resolutio. Affirmative, præviâ tamen licentiâ Sacræ Congregationis.

IX. *Dubium.*

An Personæ, quæ carcerantur de mandato supradicti Episcopi, vel ejus Vicarii, procedentis jure delegato, detineri debeant in Carceribus Almæ Domus, vel potius in illis ipsius Curie Episcopalis?

Resolutio. Affirmative quoad primam partem, & negative quoad secundam.

X. *Dubium.*

An Dominus Cancellarius Almæ Domus possit ab Episcopo compelli ad conficiendum Inventarium omnium Processuum Beneficialium, Matrimonialium, Civilium, & Criminalium Actuum, & aliarum Scripturarum factarum, & respectivè exhibitarum in dictâ Cancellaria coram Episcopo, vel ejus Vicario, tanquam delegato Apostolico, ad effectum asservandi dictum Inventarium in Archivo Episcopali, ad formam novissimi Concilii Romani, & Constitutionis Benedicti XIII.?

Resolutio. Teneri, & in casu renitentia, compellendum esse a Sacra Congregatione Lauretana.

XI. *Dubium.*

An juxta prætenfam dispositionem Constitutionis san. mem. Pauli V. §. *Nihilominus*, privilegio Exemptionis a Jurisdictione Episcopi gaudere debeant Familia Servitorum, & Famulorum, qui inserviunt Ministris, Officialibus, aliisque Privilegiatis Almæ Domus?

Resolutio. Negative: Nihil tamen esse innovandum quoad jus exemptionis concessum Ministris pro uno tantum eorum Famulo.

XII. *Dubium.*

An Episcopo uti Delegato Apostolico, private competat licentia concedere Confluentibus, & Diocesanis, sese muniendi Eucharistia in Sacra Cappella?

Resolutio. Affirmative.

XIII. *Dubium.*

An sub expressione Confluentium a qualibet Mundi parte devotionis gratiâ ad Almam Domum, qui, juxta Litteram dictæ Constitutionis Innocentianæ §. *Ac primo quidem*, a jurisdictione Episcopi eximuntur, comprehendantur illi, qui petunt Lauretum propter eorum temporalia negocia, vel in dictâ Civitate remanent per plures dies: Et quatenus affirmativè, per quantum temporis durare debeat privilegium Confluentia?

Resolutio. Quoad primam partem negative; & quoad secundam, privilegium confluentia durare per decem dies.

XIV. *Dubium.*

An hujusmodi privilegio Confluentia gaudeant Confluentes illi, qui a Birruariis Episcopalis apprehenduntur cum Mulieribus suspectis, Fures, aliique quomodolibet Delinquentes?

Resolutio. Affirmative, dummodo captura sequatur intra decem dies, juxta Responsonem ad Dubium præcedens; onerata quoque Gubernatoris conscientia, eos puniendi prout de jure; additisque pœnis arbitrio Sacræ Congregationis Lauretanæ, & Summi Pontificis, in Casu omissionis.

XV. *Dubium.*

An eadem exemptione a jurisdictione Episcopi gaudere debeant Artifices, & Professores quicumque inserviunt Almæ Domui intra annum in eorum Professionibus, non tamen continuo, sed juxta Sanctuarii necessitatem, absque Constitutione annui Salarii, licet Litteris patentibus Almæ Domus cum inhibitione fuerint muniti?

Resolutio. Negative.

XVI. *Dubium.*

An frui debeant eadem exemptione omnes

Coloni, Affictuarii, & Emphyteuta etiam parvorum Prædiorum Almæ Domus cum tenui Canonis responsonem?

Resolutio. Negative.

XVII. *Dubium.*

An, qui habent Officia Almæ Domus, sed ea exercent per interpositas Personas, veluti Pulfator Nolarum, Cantinerius, & similes, frui debeant dictâ exemptione tam ipsi uti Officiales, quam eorum Substituti?

Resolutio. Affirmative, dummodo facultas exercendi per Substitutum fuerit a Sacra Congregatione Lauretana approbata.

XVIII. *Dubium.*

An gaudeant dictâ exemptione etiam Coadjutores Officialium Almæ Domus?

Resolutio. Affirmative, dummodo Coadjutoria fuerit approbata a Sacra Congregatione Lauretana.

XIX. *Dubium.*

An eadem exemptione gaudeant Famuli, aliique inservientes Patentatis Sanctuarii in Caupnis, & Apothecis?

Resolutio. Negative.

XX. *Dubium.*

An aliqui commorantes continuo in Civitate Laureti, & habentes Litteras patentes Quæstuatorum, Denunciatorum Legatorum piorum Sanctuarii, & similibus in eorum Patriis ab eadem Civitate distantibus, eadem exemptione gaudere debeant?

Resolutio. Negative.

XXI. *Dubium.*

An Sacerdos Possessor Cappellaniae Micucci, cujus nominatio spectat ad Ven. Societatem Sanctissimi Rosarii Laureti Episcopo subjectam, eodem privilegio exemptionis fruatur, ex quo destinatos proventus prædictæ Cappellaniae recipit ab Alma Domo, uti herede supradicti Micucci?

Resolutio. Affirmative.

XXII. *Dubium.*

An Coloni, & Affictuarii pro tempore existentes in quodam Prædio sito in Territorio Lauretano, & spectante ad Ven. Societatem S. Annæ Recineti, tanquam Emphyteuta Almæ Domus, gaudeant supradictâ exemptione?

Resolutio. Negative.

XXIII. *Dubium.*

An hujusmodi exemptione gaudeant Coloni, & Affictuarii Ven. Societatis Laureti existentis, in Prædio, quod dicta Societas possidet uti Emphyteuta Almæ Domus?

Resolutio. Negative.

XXIV. *Dubium.*

An Piftores Panis venalis Civitatis Laureti gaudeant eadem exemptione?

Resolutio. Piftores Panis, quem conficiunt pro Inserviuntibus Almæ Domui, hoc est, qui Panem conficiunt, quem Alma Domus Inserviuntibus facit distribuere, gaudere; Secus illos, qui Panem venalem conficiunt ad usum publicum, & propriam utilitatem.

XXV. *Dubium.*

An liceat Gubernatori, ætento privilegio Sanctuarii trahendi ad suum Tribunal omnes Causas tam activas, quam passivas ejusdem Almæ Domus, procedere contra Clericos, Ecclesiasticasque Personas, & Loca Pia, in dictis Causis Almæ Domus, uti Reos conventos, seu potius id competat Episcopo tanquam Delegato Apostolico, vel ejus Vicario uti Subdelegato?

Resolutio. Non posse Gubernatorem procedere in Causis Activis motis a Ministris, & Exemptis Almæ Domus contra Ecclesiasticos non privilegiatos, idque ad Episcopum pertinere jure ordinario; Et hoc ipsum quoque ad eundem pertinere jure delegato, in Causis activis

motis a Ministris, & Exemptis Almae Domus contra Ecclesiasticos privilegiatos, nisi agatur de iis, quæ respiciunt eorum Ministerium, in quibus subesse debent Gubernatori; Quo verò ad Causas tam activas, quam passivas, in quibus agitur de interesse Almae Domus, spectare privatè ad Gubernatorem.

XXXVI. Dubium.

An Episcopo liceat ubique in sua Diocesi, ubi ordinationes habuerit, etiam extra Ecclesiam Lauretanam, ordinare auctoritate delegatâ Exemptos Almae Domus, ita tamen, ut Episcopus teneatur registrare in Cancellaria Almae Domus, tam Ordinationes Exemptorum, quam eorum Litteras testimoniales?

Resolutio. Negative quoad primam partem, & affirmative quoad secundam.

XXXVII. Dubium.

An reducenda sit ad mensuram præscriptam Pradella, qua utitur Gubernator, dum assistit Sacris Functionibus prope Altare Sanctissimæ Annuntiatae, ad instar Pradellæ, quæ pro eodem Gubernatore extat in Choro?

Resolutio. Nihil esse innovandum.

XXXVIII. Dubium.

An occasione Convocationis Synodi liceat eidem Episcopo vocare ad se Ecclesiasticos privilegiatos Almae Domus tam ad Concilium, quam ad reliquos Actus necessarios pro explenda dicta Synodo, eodem modo, quo se gerit respectu suorum Subditorum; Et an, facultate delegatâ, possit renuentes debitis poenis compellere?

Resolutio. Affirmativè quoad utramque partem.

XXXIX. Dubium.

An occasione Synodi promulgandæ in Ecclesia Lauretana, debeant Almae Domus Ministri subministrare ea omnia, quæ necessaria sunt pro dictæ Synodi promulgatione?

Resolutio. Negative.

XXX. Dubium.

An Episcopo, uti Delegato Apostolico, liceat Infirmis in Hospitali Almae Domus degentibus impertiri Benedictionem in Articulo mortis?

Resolutio. Affirmativè.

XXXI. Dubium.

An eidem Episcopo, juxta Constitutionem San. mem. Pauli V., debeatur usus Paramentorum Ecclesiasticorum in suo Sacratio separato assignandorum; Et an valeat ipsis uti etiam in Functionibus explendis in Diocesi Lauretana?

Resolutio. Affirmativè quoad primam partem, & negativè quoad secundam.

XXXII. Dubium.

An Episcopus vigore Bullæ Sa. me. Innocentii XII. sit Delegatus perpetuus? sive potius: An, & in quibus casibus recurrere teneatur ad Sacram Congregationem Lauretanam?

Resolutio. Episcopum vigore Bullæ Innocentianæ esse Delegatum perpetuum, nec esse adstrictum recurrere ad Sacram Congregationem Lauretanam pro exercitio dictæ jurisdictionis delegatæ, salvâ tamen superioritate dictæ Sacre Congregationis, & salvâ obedientiâ eidem ab Episcopo debitâ, ad tramites ejusdem Constitutionis Innocentianæ?

XXXIII. Dubium.

An Vicarius ejusdem Episcopi possit procedere uti Subdelegatus Apostolicus, sive ipsius Episcopi?

Resolutio. Vicarium Episcopi in his, quæ respiciunt exercitium jurisdictionis delegatæ, non debere procedere uti Subdelegatum Apostolicum, sed uti Subdelegatum Episcopi.

Sequens XXXIV. Dubium jussu Sanctissimi Domini Nostri inter Partes concordatum, & ab eadem Sanctitate Sua, ut infra, resolutum.

XXXIV. Dubium.

An, & cui competat Electio, Approbatio, & respectivè Expeditio Litterarum Patentium Rectoris Ecclesiæ Parochialis Sancti Petri Calstri Fidardi, in casu &c.

Resolutio. Electionem, & Litterarum Patentium Expeditionem pertinere ad Gubernatorem, nomine Congregationis Lauretanæ: Examen verò, ac Approbationem ad Episcopum, jure delegato.

APPENDIX

AD SYNOPSIS LAURETANAM.

Um post prælo traditam Synopsim Lauretanam, jussu ac auctoritate Sanctissimi Domini Nostri BENEDICTI XIV. in unum collectam, nonnullæ aliae insurrexerint Controversiæ jurisdictionales inter Curiam Episcopalem, & alteram Domini Gubernatoris Lauretani, eas itidem definire Apostolico suo Oraculo dignatus est idem Pontifex Optimus Maximus; Ut verò Resolutiones hujusmodi in posterum pro quibuscumque similibus casibus inservire valeant, eo quo pollet zelo in dirimendis litibus, & defensionibus pro publica utilitate, jussit præfatæ Synopsi hanc superaddi Appendicem, expressè decernens, decisiones, & resolutiones in ea contentas, vim, & efficaciam legis perpetuè obtinere, perinde ac si illa impressæ, ac inserta in ipsa Synopsi reperirentur.

Dubia à BENEDICTO XIV. Summo Pontifice resoluta post Annum 1743., quo evulgata fuit Synopsis Lauretana.

Primum Dubium.

AN tumulatio Cadaverum, & administratio Sacramentorum, quoad Cappellanos, qui pro Principibus exteris Missam assidue celebrant in Sancta Cappella, & ab Alma Domo mercedem non recipiunt, spectet ad Curatum Almae Domus, seu potius ad Parochos Episcopales?

Resolutio. Affirmativè quoad primam partem, & negativè quoad secundam.

II. Dubium.

An Pictor Cercorum, qui die Purificationis benedicuntur, & Culcitram Confector pro servitio Almae Domus, gaudeant exemptione a jurisdictione Episcopi?

Resolutio. Negative.

III. Dubium.

An privilegio Exemptionis frui debeat Afficiarius parvi Prædii Almae Domus ad usum Fornacis lateritiæ, ex quo ipse tantum retrahit ab eodem Prædio, quantum sufficit ad illius, & Familiæ sustentationem pro toto anno, vel saltem pro ejus majori parte?

Resolutio. Affirmative.

IV. Dubium.

An cognitio furti commissi in Ecclesia Lauretana, extra tamen Territorium exemptum, pertineat ad Gubernatorem, seu potius ad Episcopum; & quatenus affirmativè ad secundam partem?

V. Dubium.

An, ubi Fur sit consuens devotionis gratia, & non Clericus, idem Episcopus procedere possit jure delegato?

Resolutio. Ad primum, pertinere cumulativè ad Gubernatorem, & ad Episcopum, itaut sit locus præventioni: Ad secundum, negativè.

VI. Dubium.

An, & quando Exteri censerì debeant Lauretum petere propter eorum temporalia negotia, seu potius devotionis gratia ad Almam Domum, itaut intret privilegium Confluentiæ?

Resolutio.

Resolutio. Omnes, & quoscumque Exteros ex quacumque Mundi parte Lauretum accedentes, censendum esse, illuc petere devotionis gratia, exceptis iis, qui in Civitate, vel Territorio bona possident; ita tamen, ut privilegium Confluentiæ duret dumtaxat per decem dies, nisi longior permanentia procedat ex causa gravis Infirmiæ contractæ infra decem dies.

VII. Dubium.

An administratio Sacramentorum quoad Joannem Rubeum, ejusque Conjugem, conviventes quidem cum Gaetano Borgognoni privilegiato, sed tamen propriis eorum redditibus, spectet ad Curatum Almæ Domus, seu potius ad Parochos Episcopales?

Resolutio. Negative ad primam partem, & affirmative ad secundam.

VIII. Dubium.

An probatio status liberi Francisci Raffaelli continui Commentaris Antonii Nicolii patentari, qui etiam dictum Raffaelli tanquam unicè proprio servitio adscriptum declaravit, fieri debeat per acta Cancellariæ Almæ Domus, seu potius in Curia Episcopali?

Resolutio. Affirmative ad primam partem, & negative quoad secundam.

IX. Dubium.

An quoties de mandato sive Sacræ Congregationis Lauretanæ, sive Gubernatoris ejusdem Civitatis, aliquis ex Canonicis, Beneficiatis, seu aliis Capitularibus Basilicæ Lauretanæ, nullo ei assignato stipendio, eligitur pro servitio Almæ Domus, pro quo ipse, sive attenda absentia a dicta Civitate, sive aliter, prædeditus remaneat interessendi Divinis Officiis; taliter electus, & deputatus, possit percipere omnes distributiones quotidianas; ita quod a quoquam nullo modo punctari possit?

Resolutio. Affirmative, quamdiù necessitas servitii Almæ Domus perduraverit: & quoad Custodes, & Sacristas observetur Constitutio San. me. Pauli V. §. *Decernimus.*

LXXIII.

Ut præstationes post obitum S. R. E. Cardinalium Magistris Cereemoniarum persolvi solitæ, deinceps a singulis Cardinalibus in sua ad Cardinalatum promotione solvantur.

BENEDICTUS PAPA XIV.

Ad perpetuam rei memoriam.

Paulus V. certas summas, tum in promotione, tum in obitu S. R. E. Cardinalium Ministris S. Collegii, & Magistris Cereemoniarum solvi mandavit.

DUUM, sicut accepimus, fel. record. Paulus Papa V. Prædecessor noster, considerans assiduos labores, quos Magistri Cereemoniarum, ac Officiales, seu Ministri S. R. E. Cardinalium Collegii, in rebus & negotiis ejusdem Sacri Collegii procurandis, sustinebant, per quosdam suas in simili formâ Brevis die 3. Januarii MDCXIX. expeditas literas, motu suo proprio, ac ex certâ scientiâ, eisdem Magistris Cereemoniarum centum, necnon Secretario, & Clerico, ac Computista Sacri Collegii prædicti septuagintaquinque, à singulis Cardinalibus in promotione ad Cardinalatus honorem, necnon post obitum singulorum Cardinalium, etiam ad Cardinalatus honorem promoti Romam nondum venissent, & sive illos in Romanâ Curia, vel extra eam, & ubique decedere contigisset, eisdem Magistris quinquaginta, ac Secretario, Clerico, & Computista præfatis similiter septuagintaquinque Ducatos auri de Camera, in supplementum mercedis ordinariæ eorumdem Officialium, seu Officiorum, deberi, illisque conjunctim per pro tempore existentes Cardinales prædictos, seu per eorum Agentes, & hæredes, quomodolibet debitos, ac solvandos, auctoritate Apostolicâ statuit, & ordinavit.

Clemens IX. alias præstationes addi-

§. I. Subinde verò rec. mem. Clemens PP. IX. itidem Prædecessor noster, cum accepisset,

præter prædictos Magistros Cereemoniarum, qui duo sunt, & participantes vocantur, alios esse Cereemoniarum Cappellæ Pontificiæ Magistros interdum duo, & quandoque, prout tunc, tres, qui non participantes nuncupantur, ipsosque Magistros Cereemoniarum non participantes in pari possessione accipiendi, vel exigendi à singulis Cardinalibus in promotione ad Cardinalatus honorem triginta sex, & post obitum ab eorum hæredibus vigintiquinque Ducatos auri de Camera pares, ex laudabili consuetudine, reperiri; & Venerabiles Fratres tunc suos, nunc nostros, Sanctæ Romanæ Ecclesiæ prædictæ Cardinales horum quoque Magistrorum Cereemoniarum officio, atque ministerio egere, & uti; dictaque emolumenta eis, tanquam mercedem, seu pro eorum mercede; præstari consuevisse; propterea illorum indemnitati consulere volens, per suas quoque in pari formâ Brevis die 22. Novembris 1668. expeditas literas, motu simili, ac ex certa scientia sua, præfatis Cereemoniarum Magistris non participantibus triginta sex in promotione ad Cardinalatus honorem, & vigintiquinque Ducatos auri de Camera, prædictos, inter eos pro æqualibus portionibus respectivè dividendos, post obitum singulorum Cardinalium hujusmodi, etiam ad Cardinalatus honorem promoti Romam nondum venissent, & sive in Romanâ Curia, vel extra eam, & ubicumque illos decedere contigisset, in supplementum mercedis ordinariæ eorumdem Magistrorum Cereemoniarum non participantium, pariter deberi, illisque conjunctim per pro tempore existentes Cardinales prædictos, seu per eorum Agentes, & hæredes respectivè absque mora solvi, & eis consignari debere, sine ullo tamen quorumcumque jurium Camera quomodolibet debitorum, & solvendorum, ac anterioritatis, & potioritatis Cereemoniarum Magistrorum participantium, & trium Sacri Collegii Officialium supradictorum præjudicio, itidem perpetuò statuit similiter, & ordinavit.

§. 2. Postmodum verò fel. record. Clemens Papa XII. pariter Prædecessor noster per suas itidem in simili formâ Brevis die 17. Augusti MDCCXXXIV. expeditas literas, cum etiam accepisset septuagintaquinque Ducatorum auri hujusmodi, memoratis Officialibus, seu Ministris dicti Collegii Cardinalium, nempe Secretario, Clerico, & Computista, post obitum Cardinalium, sicut præmittitur, debitorum, ac per defunctorum hæredes solvendorum exactionem perquam difficilem reddi, præcipuè ubi ipsos Cardinales extra ditionem Ecclesiasticam, & maxime ultra montes ab humanis decedere contigisset, itaut multoties eorumdem Ducatorum solutio, etiam post peractas exactiones diligentias, a præfatis hæredibus nullatenus facta fuerit; dictisque Officialibus, seu Ministris eò ægrius istiusmodi emolumentis carere, quod merces eorum ordinariæ admodum tenuis existeret, sibi que vicissim non mediocres labores, aliaque onera incumberent, ac propterea Secretario multæ expensæ faciendæ essent, Clerico verò, ac Computista prædictis alieno servitio, seu ministerio sese addicere per statuta supradicti Sacri Collegii vetitum esset; præmissa, ac præsertim dicta emolumenta ipsis Officialibus, sive Ministris, tanquam mercedem, seu pro mercede præstanda fore attendens, illorumque proinde indemnitati prospicere volens; motu simili, ac ex certa sua scientia, septuagintaquinque Ducatos, qui, post obitum singulorum Cardinalium, eisdem Officialibus, seu Ministris per hæredes defunctorum, juxta dicti Pauli Prædecessoris literarum formam, & dispositionem, solvendi, & consignandi erant, deinceps a singulis Cardinalibus in sua ad Cardinalatus honorem promotione per se, seu eorum Agentes, ipsi

dit pro Magistris Cereemoniarum non particip.

Clemens XII. summas Ministris Sacri Collegii debitas; in ipsis Cardinalium promotionibus integrè solvi voluit.